

矣鬼亦競起人當疫死若有人得三洞法師為之行道者大鬼魔王一切護助令治病即瘥為攝天下橫鬼內外之群入地千尺主人若復不瘥死亡狼藉官事不了田蠶不收仕宦不遷其不如意者吏兵先坐大魔王及小鬼子等斬之千段不怒之矣一一告下如太上金口所勅之急急如律令

通言今有八萬九千黑面大鬼鬼名赤鬚身長七丈四十九萬為群每詐稱黃帝怒人家親將一切無藉之鬼世間魍魎男女之群領羅丁勒掌南陽葉公石母太子雲中李于敖三天無着之鬼千萬此億來入人家取人小口老嫗男女令天下人疾病死亡處處有之門門皆死鬼兵屯集住人隣陌捉人六畜鳥獸作其凶恠令人遭官口舌刑徒囚獄狂濫田蠶不收隨事皆凶自今以去汝等魔王小鬼一切鬼王急為道士佐治生人令官事解了疾病者瘥若不從命汝等魔王各斬之萬段矣一一如太上口勅律令

太上洞淵神呪經卷之十

太上洞淵神呪經卷之十一

太上洞淵神呪經卷之十一

三昧王召鬼神呪品

制一

元始天尊以上皇二年建辰之月八日月中時於元陽上宮為大羅諸天大梵天帝四極高真九天元王三天真皇說洞玄靈寶大有至真自然智慧淨誠妙經法事既畢乃更命名三炁天君五老上帝九宮真仙四方無極三十六天帝飛天神王九地土皇三界官屬神霄大魔前後圍繞飛行太空迴駕來降苑利之天碧海之崖方諸宮內洞淵池上坐五色龍蓮花之座將說法要救度三界五道一切蒼生放身威光普照十方一百八十海諸龍宮殿鄴都陽谷水會之府風澤九地三十六地土皇官殿仙真大聖領籍之府及三十六洞天各有日月星辰官屬人民六玉馬獸蟲魚自謂安樂其無神道凡俗之類夫妻男女老幼尊卑自相紹休種種名色陰陽五行吉凶苦樂貧賤富貴皆如此上亦無有異也復有學道求仙之者栖身山谷證道成聖若不習六通六覺不名道士亦謂他士無如

是事乃至上方無極世界凡聖所居苦樂果報請下九幽泉曲五岳洞天令諸大衆悉皆親見善惡生死報對往還塗炭流曳八門自生自死甚可哀傷大衆之內天人之中地仙之類或不知見飛行五岳修習尸解服藥鍊身不慕靈寶大智慧源未達宿命真寂無為自然性者心不自固妄惑所馳六情所蕩或於所著四見飄忽天上地下隨惡輕重受其報對無有自勉痛毒非一皆生怖畏五神悲惶莫測所從各欲四散而不能去自相顧謂我等今日值遇聖尊何緣乃見如此惡對身心驚怖不能自安唯願天尊垂哀救護解說元始復命本心於是象中東上九天飛天神王名曰三昧威德智慧相好具足力攝諸魔天神龍鬼大明呪術善權方便隨機利益從座而起領諸真人蔚明羅王及三十六天小王拘婁王等同整衣冠俱起作禮叩頭自博長跪稽首上啓道君我等積善深厚奉遺大聖翼從仙真高玄大士沐恩過分忝在玉位各統諸天喜懼交集令觀慈光更開大宥有我

太上洞淵神呪經卷之十

等悉來曹奉教勸周行三界三十二天及十方國土山林靈岳海龍宮內及洞天福地或遊世上或入人間隨順群方同其事業涉歷貴賤貧富之內或山居幽寂亦有所修六言百蟲水火艱辛無所不入見諸凡夫學與不學不顧宿命不遵經法是非紛亂四見昏迷六情所染心不自專造惡之時無所畏懼或復恐怖叫喚神鬼為其救助或上引三先七祖先亡以為盟誓更相馳競無有終始六親相殘傷殺無道或刀兵饑饉憑恃威力聚合群衆殺害無辜一切人鬼禽獸之類臨命終時戀其室宅愛惜本身心迫情切或起惡心或發惡願因尋本誓隨其所在屍血所染骨肉所附烝嗑目視皆生惡業因緣魂與相習報對無窮既不善入靈寶智慧自然法誠何可濟免或謂精爽心色微細光景聲炁之所感激因乘六天故炁五百百精九魄八風五行衰感依附精光而生災害瘟疫毒癘百病因起債主冤家口舌誹謗遭逢者聚城邑治舍村居山澤哭聲相尋凶精轉熾人心怖懼

益生寒熱寒熱起內病生於外或禱祠守故烝不正之鬼追尋血食妄說吉凶不聞正道不知歸向不見經教不識本真留連百精結罪三官沈淪五道自生自死終天無脫或五斗星官告變災禍水旱風雨不順四時刀兵疫疾加其凶烝國主憂懼百姓塗炭無有濟拔我等今日蒙聖尊威力受任神王所有見聞願得安養報道慈恩率集所部三十六天小王八十億人周歷十方療治病苦保其國祚養護群生光宣正法豈不同手於是真人蔚明羅將領四十九億真仙眷屬又有三天真王九天大魔王三十六億萬人又有大神通智識句民子神王天力士八億萬人又有天禁大殺吏兵四十萬人天殺大兵四十萬人又有上三天尉玄刀大兵三萬人九天大兵九十億萬人又有三洞力士四十九萬人六天力士八千萬人又有三十六天之魔王白盆子等七十二小玉又有魔王烏嚙子及大魔王烏留子等三十六萬人又有三天玉女與大梵女八千萬人又有七天魔王三

十萬人又有橫行伐殺將軍八千萬人又有青真大魔王紫真孔倫烏延帥崇金等及三十九王烏川連子文吉休馮憐子等三千六百萬人又有三天力士三十萬人又有十方大殺將軍三十萬人主殺疫鬼除災掃邪穢又有三天魔王句窰羌十二萬人又有赫奕天都四十二魔王烏嚙鳴等殺鬼治病又有三天力士十方赤兵又有三天玉女要進將軍五千萬人恒於五岳收諸疫鬼又有喙頭魔王烏延大王長鼻大王中群大王小眼大王白面大王赤面大王等各以神通自在威力於太上前五體投地同發誓願與三昧神王遊行三界之內天下地上及山川水土洞天靈岳之內蕩滅六天九魄五蘊拒逆故烝傷害生民變懷殊常及興起刀兵者我等力能摧滅迴化其心絕諸妖烝唯領天尊垂憫我等并諸眷屬昇入道階永無迴轉於是真人蔚明羅白三昧神王曰我等今者收滅故烝攝鬼治病應須出示行病之鬼姓名令人呪誦呼其姓字彼行病鬼聞已姓名

自生慙愧各懷恐怖於三寶前大衆之中羞聞其惡不敢為害令承天尊慈悲威力勅彼三天五炁明威正神靈寶萬精出其名字我即令諸司直司錄條記書之普示天民有心男女信樂之者於是三昧神呪王晉告三界五道六鬱九幽泉曲所部諸鬼神王水土龍王禽獸鳥王或上不着天下不居地遊走世間駕彼八風乘九醜恣恣樹木以為宅舍吸人精炁追求血食興起災禍者悉皆顯名不敢藏隱於是五方老精五傷鬼賊自相顧謂我等世俗職位卑微德淺薄力不自勝莫知迷處若不奉名即見灰滅眷屬塗炭進退災禍唯乞大慈且賜寬宥願聽我等自相勸誘捨俗歸道伏從教勅更不得為害於是三天邪王領四十八萬人六天邪王三天大邪王九億萬人又有八萬獨足鬼身長三尺分作群黨在於水中行若病又有慎憂哀子角兒平王阿信三業等及以赤鬼三萬眾行刀兵之疫又有四十九種異鳥鬼恒行驚怖令人不安又有赤鳥七十萬為群飛行疫病

又有凶鬼三萬俱來殺人行饑餓流亡之疫又有赤丁使者四十九億萬人又有下方刀兵傷精戰死之鬼各領四十萬眾行病布毒又有烏丸鬼王身長七丈八尺各有眷屬九千萬眾赤兵行諸疫炁又有九天魔王成都將軍下行九千種病又有門戶之鬼名承伯關閉之鬼阿倫然等又有井竈之鬼名真連子又有四華墻垣上鬼名士伯供又有道上鬼名烏子丁又有舍宅之鬼名玄子都又有十方赤連鬼長三尺六寸百萬為群又有長頭鬼三十萬人手捉赤棒暴打殺人又有吞死刀兵雲內李子教等來往海濱東西南北乘風駕雀作恠行疫又有皋陶木索之鬼習行刑獄所傷殺具皆為鬼精又有連子鬼行瘡瘡病又有鬼王名曰憂連身長三丈七尺捉持赤索行諸口舌動作人心又有赤憤鬼行布疫毒過於八方又有山林水火風雲之鬼三千九百鬼王名都奴文慶子行雜疫病又有赤丁火鬼各領七十萬人行於熱病又有黑足鬼身長三丈六尺目赤黃或化為赤

烏名曰足日行瘟疫病又有鬼主名大頭盧兄弟八千萬為羣行疫炁病又有四十九萬黑面鬼鬼王名章持將下鬼三十六億萬人行黑瘟疫又有二十萬赤索鬼王名曰白首領三十九萬女鬼行病又有赤都鬼行七十種病或為烏鷓鴣人宅舍吐炁行病又有赤辟鬼身長八丈或化為飛鳥行病或作死魚鳥獸草果人食之者皆成毒病又有黃牛鬼王名曰赤石領赤頭烏飛行毒病又有李子教兄弟十億萬鬼為侶殺人又有鬼三向留那各領八十萬鬼行諸毒病又有鄧侯之鬼與劉斗鳥亦來行病傷害萬民又有三足鬼身長三丈人身橫行又有曲寅三百六十鬼縱眼鬼蕭頭鬼當進鬼並行疫病又有頭然鬼赤蓋鬼執白棒長刀行疫殺人又有赤鳥行三萬九十種病又有黑殺鬼長六丈及盈女鬼尤子鬼禿子鬼悉皆赤目又有十七萬黑屍鬼名曰蛇舍又有三足十二頭疫鬼赤目鬼名角子又有小陵鬼名赤頭又有九十三萬黃身鬼名百龍又有赤盧大禁兵

鬼身長萬丈八十萬人又有都盧那鬼身長
 三丈目縱口橫耳長六尺手捉鐵杖或為大
 鳥行病殺人又有赤鼻大鬼名附子身長
 九尺三面一日又有兩頭一身鬼名曰赤目
 又有三頭一身鬼名曰大野又有鬼名天池
 鬼名大頭行刀兵殺人又有鬼名大旦身長
 三尺手捉赤棒殺人又有白鳥形如車輪群
 飛殺人或為大魚死在水上食者皆死或為
 野鳥死於草中食者皆死又有馮子都三千
 九十萬為群行卒死病又有雲中百二十種
 遊獵鬼七十二王及鈞星之鬼烏獲之鬼夜
 行之鬼飛走之鬼世間行邪病又有九醜
 之鬼狄星在雲眾妖驍驟鈴馬景呼唱兄弟
 九人又有劉元達張元伯趙公明李公仲史
 文業鍾仕季少都符各將五傷鬼精二十五
 萬人行瘟疫病此等諸鬼王開三昧神呪天
 王及明羅真人多聞天女說三天六天大邪
 王等故悉鬼賊傷精名字皆大驚怖復有遊
 儼鈞星九炁之鬼同聲唱云我等眷屬從昔
 以來身口性命有所資須唯吸人精炁六畜

血肉以相養活驅役鬼鬼充為給使令若奉
 戒不得縱逸乃欲活他而自受死縱若未死
 身體羸瘦大小不存眷屬憂惶悲泣相中唯
 願大王及無等尊神惠我生命於是三昧神
 呪王告諸鬼王曰汝等昔來不信至道不奉
 正真更相傷殺報對輪迴劫數有窮惡緣未
 盡方於九幽受大苦報者若有眷屬能相代
 者否無有是義我隨天尊周行三界三十二
 天十方國土五道八門見諸善惡如響應聲
 無有空脫汝今若能普告眷屬不害人民者
 我令世人遂所方宜稱家所有珍味飲食或
 晝或夜於其城邑村落治舍清靜之處為汝
 設食令汝飽滿永無飢渴亦復施汝衣服錢
 帛隨汝受用不結重怨而得飲食資生充足
 豈不樂乎於是行病鬼王及諸眷屬悉皆歡
 喜頂禮道君及三昧神呪王若如教勅唯命
 伏從時真人蔚明羅及三昧天王承太上命
 告五嶽都司四海亭長里社正神汝等今者
 可普宣示一切世間若三災將起瘟疫欲行
 四時之始有疾之處當令人民善男子善女

人國邑村落貴賤所居同心齊念請諸道士
 亦令男女佩受符籙香湯自洗絕酒肉葷辛
 之物清淨設齋禮拜唱讚高功法師各念思
 真佩服尊嚴懸綉幡蓋燒香散花燃燈禮謝
 或清奏音樂感召靈顯并設飲食清齋珍味
 奉上三尊及三十六天自然之神兼修晉得
 飽滿隨彼貧富土地所有豐約逐物表竭丹
 心燒香旋行及以端坐嘿念存思鳴鼓吐納
 請諸鬼名及稱我等神王各號并注心禮拜
 三炁三天自在尊神及元始四方三十六天
 九官五嶽真官正神自然至真大智慧源應
 物乘機自在神通無量威德即來影響人其
 道場受其請願並皆和樂人鬼歡悅兩不相
 害既聞法音及得親見三皇天書五篇玉文
 靈炁所陶各懷知足體道自然四節調和天
 下太平國主人民受無為道昇名玉清神真
 通會一切宰闕於是天女大梵王及三十六
 天諸小王三界飛天無極神王五嶽都司梵
 天王子多聞天女等一切魔王奉仰天尊又
 聞三昧神呪天王請說法要濟拔蒼生生死

蒙福天人慶悅讚歎未聞見洞淵神呪威力
巍巍不可言譬同起稽首拜禮扣搏長跪志
心措各修行咸令開悟漸入至真於是三昧
神呪王命三十六天飛天神王等各拊雲璈
天鈞大樂讚歎道君又蔚明羅真人乃奏歌

曰
至真體本無 名號何曾有 宜物即成容
端嚴居衆首 歸依罪自除 禍集非他咎
無無無不無 有有有非有

多聞梵女又奏歌曰
實惠常澄寂 尊中之最尊 普降無生藥
俱治不死規 即名運是呪 乘馳體亦奔
永超五苦舍 終入自然門

句留神王奏歌曰
赤混太無元 尊神統靈寶 萬有即無為
自然真一道 善出不由他 惡生還自考
能通四見迷 何須絕三惱

神王向民子奏歌曰
至真無體號 強名為法王 應身隨覆者
濟拔實無方 善心奉神呪 鬼惡改為良

六情無染着 何憂命不長

飛天梵子奏歌曰

善哉方諸地 福慶降天真 哀哀馳競子
賤我責他身 不知識妄識 恍惚外求神
還歸真一地 保守自然民

諸天仙真大衆悉皆慶悅歎未聞見再拜稽
首唱善奉行

太上洞淵神呪經卷之十一

太上洞淵神呪經卷之十二

衆聖護身消災品

制三

元始天尊告五老上帝九天神王十方至真
神仙聖衆曰我嘗觀察三界萬有五道八門
天人男女合識有性天堂地獄苦樂因果如
聲應響倚伏無窮沈淪死生不能自出念之
在心化道開悟使歸向者引入道源我往昔
來常為汝等三界五道一切蒼生作慈父母
億劫因緣恒相教導或復示現種種色身形
名稱號音聲言語隨機感發和順化說三洞
法音十部妙經建法舟船普加運載開天乘
道攝取有心度脫群生出愛羅網摧破知見
空有是非一切衆生自縛習宿因緣迷
妄惑見飄蕩性情愚癡憍憎自蔽心識三屍
九蟲不可捨離惡業報對自死自生久病長
七身心痛毒鬼邪精來乘德沈結若欲除遣
當觀己身起滅根本善惡進退滅念停慮念
我三寶慈悲讓歸向七真虛無至真道中
之道諸君夫人十方天尊名字神號八清太
素九炁元君起心存想容儀服飭隨其炁



正一天師清微外 洪百堅 製作
道教學術資訊網